

- 31** Samkvæmt þessu og öðrum ástæðum yðar úrskurdast því hjermeð að tjeður úr-
13. marz. skurður yðar skal standa óbreyttur.
Þetta eruð þjer beðinn að tilkynna hlutaðeigendum.

- 32** Brjef landshöfðingja til amtmannsins yfir suðuramtinu og vesturamtinu um
22. marz. upptöku ólöglega lagðra þorskaneta. — Útaf því að sýslumaðurinn í Gullbringu- og Kjósarsýslu hefur skipað svo fyrir í brjefum til hreppsstjórnanna í Vatnsleysustrandar- og Rosmhvalanesshreppum, að taka skuli upp og flytja í land án undanfarandi rannsóknar og úrskurðar þorskanet þau, er lögð kynnu að verða á svæði því, þarsem fiskiveiðasamþykkt 9. júní f. á. bannar að leggja þorskanet, hafið þjer, herra amtmaður, jafnframt því að senda hingað ítarlega skýrslu sýslumannsins, sem þjer hafið útvegað frá honum, um ástæður þær, sem þessi fyrirskipun er byggð á, getið þess, að þjer eigi fáíð sjed, að slík upptaka, sem fyrirskipuð sje af sýslumanninum, hafi neina stoð í ofangreindri samþykkt, og að ástæður sýslumannsins, að yðar ætlun, aðeins sýni, að hlutaðeigandi dómari geti haft gildar ástæður til að úrskurða, að taka skuli netin upp, en alls ekki, að samþykktin heimili neina undantekningu frá hinni almennu lagareglu, að til að taka upp og leggja hald á annars manns eign þurfi dómsúrskurð, nema að því er snertir net þau, er ræðir um í 2. gr. samþykktarinnar, og hafið þjer þessvegna beiðst úrskurðar landshöfðingjans um málefni þetta.

Hvað nú málefni þetta snertir, þá er það víst, að í samþykktinni frá 9. júní f. á. 1. gr. er aðeins lögð 50—100 kr. sekt ef nokkur leggur þorskanet fyrir utan línu þá, er þar er tiltekin, eður nær landi, en þar er nefnt, en þar á móti talar samþykktin ekki eitt orð um það, að taka skuli upp net þessi og flytja í land, hvar við vel getur hugsast, að eiganda netanna, eða þeim, er legði þau, ástundum orsakast gæti meiri skaði, en sektunum nemur. Eg get því eigi sjed, að hið opinbera eigi að taka netin upp og flytja til lands, heldur ber því að hafa vakandi auga á því, að enginn leggi svo þorskanet á hinum forboðnu stöðum, að eigi sje höfðað mál á móti honum til sektar fyrir brot á samþykktinni.

Þetta tilkynnist yður, herra amtmaður, til þóknanlegrar leiðbeiningar.

- 33**
23. marz.

Auglýsing fyrir sjófarendur.

Til leiðbeiningar fyrir sjófarendur verða frá næstkomandi hausti tendruð eptirfylgjandi ljósker í Gullbringu- og Kjósarsýslu, að tilhlutun hlutaðeigandi hreppsnefnda:

- 1, *Ljósker á Garðaholti* í Garðahreppi. Það er 101 fet yfir sjáfarmál með hálföllnum um sjó; afstaða þess er 64° 5' 5" norðl. br., og 22° 2' 28" vestl. lengdar (frá Greenwich) Ljosið ber hærra en öll önnur ljós í Garðahverfi og á Álptanesi, og er undir það byggður stöpull 5 álna hár. Í ljóskerinu á að loga frá 1. okt. til 31. marz ár hvert, frá því að hálfdimmt er að kvöldi og þartil hálfbjart er að morgni.
- 2, *Ljósker á Brekkuhól* í Bessastaðahreppi. Það er 60 fet yfir sjáfarmál og lýsir 2 mílur undan landi. Í því á að loga frá 1. október til 31. marz ár hvert, meðan eigi er miðabjart fyrir náttmyrkri.

3, *Ljósker á Gerðatöngum* (Ásláksstaðatöngum) í Vatnsleysustrandarhreppi. Það er 33 beint suður af svonefndu «Svartakeri», í útsuður af «Fjósakotsboða» og í austur- 23. marz. landnorður af Hlöduness- og Brunnastaðatöngum. Það lýsir á 3 hliðar, í útsuður, útnorður og landnorður og mun sjást um 2 mílur á haf út; það ber 30 fet yfir sjáfarmál. Í því á að loga frá 15. sept. til 15. apríl ár hvert, frá því í hálfdimmu að kvöldi til þess hálfbjart er að morgni.

Þetta auglýsist hjer með almenningi.

Reykjavík 23. marz 1886.

Landshöfðinginn yfir Íslandi.

Samkvæmt auglýsingu 22. febr. 1875, 21. gr.

Jón Pjetursson.

Jón Jeasson.

Brjef landshöfðingja til *amtmannsins yfir norður- og austuramtinu* um at- 34 ker, er finnast á sjáfarbotni. — Útaf fyrirspurn yðar, herra amtmaður, í þóknanlegu 25. marz. brjefi 24. okt. f. á. um það hver lög gildi á Íslandi um björgun atkera, er finnast á sjáfarbotni, og um það, hvernig farið skuli að með atkeri tvö duflaus, en með tilheyrandi festum, er fundizt hafi og verið bjargað í sumar, er leið, nálægt Hrísey, skal jeg hjer með þjónustusamlega tjá yður, að jeg álit næst liggja að beita í þessu tilfelli analogíu 25. gr. í lögum um skipaströnd 14. jan. 1876, er ræðir um mannlous skip eða skipsbrot, er finnast á sjó úti, og að þessvegna beri að birta atkerafundinn í blöðunum á löglegan hátt og atkerin eða andvirði þeirra falla til landssjóðs, ef eigandi eigi sannar eignarrjett sinn innan árs og dags, en finnendum ber $\frac{1}{3}$ eða $\frac{1}{6}$ af andvirðinu eða þá endurgjald eptir reikningi, er lögreglustjóri úrskurðar.

Auglýsing

um póstmál.

35

27. marz.

Ráðgjafinn fyrir Ísland hefur með brjefi 26. f. m. samþykkt:

- 1, að aukapóstur verði sendur frá Arnarholti, svo fljótt sem auðið er, í hvert skipti eptir komu aðalþósts þangað frá Reykjavík, til prestssetursins Borgar í Borgarhreppi, og að þar verði settur brjefhirðingastaður;
- 2, að aukapóstur verði sendur frá Ísafirði, svo fljótt sem auðið er eptir komu aðalþóstsins frá Reykjavík, sjóleidis til Staðar í Grunnavík og þaðan aptur til Hesteyrar í Sljettuhreppi, og að sett verði brjefhirðing á Hesteyri.

Reykjavík 27. marz 1886.

Landshöfðinginn yfir Íslandi.

Samkvæmt auglýsingu 22. febr. 1875, 21. gr.

Jón Pjetursson.

Jón Jensson.

STYRKUR ÚR LANDSSJÓÐI.

Samkvæmt fjárlögum fyrir 1886 og 1887.

10. gr. C. 4.

Skólástjóra við búnaðarskólann á Hólum, Jósep Björnssyni, veittur 400 kr. styrkur upp í kostnað af ferð hans til Kaupmannahafnar og veru hans í vetur á landbúnaðarháskólanum þar.